

per Lusitanus, (f) post varia Hippocratis & Galeni allegata loca, notum his viris hunc morbum fuisse, fidenter adserit. Sed Benivenius (g) anno quidem 1496 ab Hispania cœpisse credit, antiquorum tamen Lichenseu Plinii Mentagram hoc malum facit. Ita autem Plinii locus habet: *Hist. N.l. 26. c. 1. Sensit & facies hominum novos, omnesque ævo priori incognitos non Italia modo, verum etiam universæ prope Europa, morbos tunc quoque nec tota Italia, nec per Illyricum Galliasque aut Hispanias magno opere vagatos aut alibi quam Romæ circaque, sine dolore ullo aut pernicie vitæ, sed tanta fœditate, ut quæcunque mors præferenda esset.* Nec desunt, (verba sunt Casauboni in Not. ad Sueton.) qui subtiles tumores faciem Cl. Tiberii Cæsaris deturpantes, pustulas venereas fuisse, arbitrantur. Adferri etiam Corn. Celsi *de Medicina lib. 6. caput 3. solet*, ubi de Sycofi loquens, morbo à fici similitudine Græcis sic dicto, frequentem in istis partibus esse dicit, quæ pilis conteguntur. Efficacius hæc ægritudo à Martiali Poëta, mordaci, si quis alius, depingitur, dum Basso cuidam insultans, *lib. 11. Epigr. 99.* sic canit:

*Effugere non est, Basse, basiatores;
Non ulcus acre, pusuleve lucentes,
Nec triste mentum, sordidique lichenes,
Nec labra pingui delibuta ceroto,
Nec congelati gutta proderit nasi.*

Idem Cæcilianum ganeonem (infucata forsan aliquando merce ab eo deceptus, si quid tale de viro nobili & literis claro suspicari liceat) sic perstringit: *lib. 7. Ep. 70.*

*Ficosa est uxor, ficosus & ipse maritus,
Filia ficosæ est, & gener atque socer.
Nec dispensator, nec villicus ulcere turpi,
Nec rigidus fossor, sed nec arator eget.*

Dodonæus (h) præterea Antiquis hunc morbum notum fuisse sibi persuadet, verum sub nomine pustularum vel ulcerum

A 2

tunc

(f) *Hist. Med. Lib. 1. qu. 35. hist. 73. & Pr. Med. admir. l. 3. Obs. 94.*

(g) *Med. Observ. cap. I. (h) Annot. in Beniv.*